

ISIKATHI SENTELA 2019 - ABAKWA-SARS

BATHATHA ELINYE IGXATHU EKUTHUTHUKISENI

USIZO ABALUNIKA ABAKHOKHINTELA

Pretoria, 4 kuNhlanguala 2019 – UPhiko IweziMali eziNgenayo eNingizimu Afrika (SARS)
selithuthukise uhlelo lokuthumela amaphepha entela nge-inthanethi nangokusebenzisa i-efiling
egatsheni lakwa-SARS ngokwethula amasu ambalwa athokozisayo kulesi siKhathi seNtela sonyaka
wezi-2019 ukuze kube lula kubakhokhintela ukubuyisa amaphepha entela.

Lawa masu abandakanya ukukhishwa kwezaziso eziqondene ngqo nabakhokhintela eziveza ukuthi
yimaphi amadokhumenti adingekayo uma kwenzeka kudingeka ukuba kwensiwe
ucwaningomabhhuku noma ukuqinisekiswa okuthile kanjalo nomphumela wokulinganisa okhishwa
ngaphambi kokuba umkhokhintela athumele amaphepha entela.

Okuphokophelwe ngalezi zinguquko ukuthi kuthuthukiswe usizo olunikwa abakhokhintela, ukunusa
isibalo sabashintshela ekusebenziseni imigudu ye-inthanethi efana ne-eFiling kanye ne-SARS
MobiApp ukuze kube lula ukubuyisa amaphepha entelangeniso (okungafaki ukubuyiswa
kwamaphepha entela kwabakhokhintela besikhashana), kanjalo nokuthuthukisa izinga lokwazi
ukubona labo abangathobeli.

I-SARS MobiApp ethuthukisiwe izokwenza kube lula kakhulu kunakuqala ukusebenzisa i-smart
phone ukuthumela amaphepha entela ngenxa yalezi zinto ezilandelayo ezintsha futhi okulula
ukuzisebenzisa:

- ukuhlwaya kalula
- ukwethulwa kokuqinisekisa ngokusebenzisa imilobo yeminwe *i-biometric*
- ukufakwa kwe-*one-time pin* ukwandisa ukuphepha
- ukwazi ukulungisa igama lomsebenzisi (*username*) kanjalo negamamfihlo (*password*)
- imibozo yokuqinisekisa ukuphepha
- Ukufakwa kukhompyutha nokuthunyelwa kwamadokhumenti ngekhompyutha.

Omunye umgudu osebenzisa i-inthanethi i-eFiling nayo ithuthukisiwe ukwenza kube lula ukuhlwaya
nokusebenzisa imisebenzi edingekayo uma ubuyisa amaphepha entela, ukuthumela amadokhumenti
esekelayo nokukhokha kanjalo nokusebenziseka okuthuthukisiwe kwestiphequluli.

Kulonyaka, abakhokhintela abafanelekayo NGAYO YONKE INDLELA AKUDINGEKI ukuthi bathumele
amaphepha okubuyisa intel:

- Uma isamba sengeniso lonyaka ngaphambi kokubanjelwa intel lingaphansi kuka-R500 000
- Uma uthola ingeniso KUMQASHI OYEDWA unyaka wonke wentela.

- Uma ungenayo enye indlela ENGENISA IMALI (isib. imali oyinikelwa imoto, izinzuzo ezengeziwe zenkampani, imali engena ngebhizinisi, inzalo etheliswayo noma imali engena ngokuqashisa noma ingeniso elivelu komunye umsebenzi)
- Uma zingekho izicelo sokukhokhelwa kunoma yiziphi izimali ezibanjwayo ezhlobene nentela (isib. izindleko zokwelashwa, iminikelo yesikhwama somhlalaphansi, izindleko zokuhamba).

Ukuze sinciphise ukuvakashela emagatsheni akwa-SARS izikhathi eziningi kungenasidingo, abakhokhinta okungadingeki ukuba bathumele amaphepha entela bazothola umyalezo ovela kwa-SARS ozobukeka sengathi bawathumele amaphepha abo entela. Umkhokhinta angawemukela lo mphumela noma afake ulwazi lwakamuva bese eyathumela amaphepha entela.

Isikhathi seNtela sonyaka wezi-2019 siqala mhla lu-1 kuNcwaba kubakhokhinta ababuyisa amaphepha abo entela egatsheni lakwa-SARS.

Kodwa-ke, abakhokhinta abaya egatsheni lwakwa-SARS bazokhuthazwa ukuba babhalise basebenzise i-eFiling ne-MobiApp. Uma sebebhaisile kulemigudu emibili ye-inthanethi izisebenzi zethu zizobe sezibakhobisa ukuthi iseenza kanjani le migudu ye-inthanethi ukuze bathumele amaphepha okubuyisa intela kalula. Abakwa-SARS bazohlinzeka abakhokhinta abasebenzisela i-eFiling noma i-MobiApp nge-wi-fi emagatsheni abo.

Abakhokhinta ababhalisele ukusebenzisa i-eFiling noma abakwaziyo ukungena ku-MobiApp bangabuyisa amaphepha abo okubuyisa intela kusukela mhla lu-1 kuNtulikazi ngokusebenzisa yona le migudu.

Izinsuku zokuvalwa kwesiKhathi seNtela zimi kanje:

31 kuMfumfu 2019 uma amaphepha entela uwabuyisela egatsheni.

4 kuZibandlela 2019 kubakhokhinta abavulelekile abasebenzisa i-eFiling ne-MobiApp.

31 kuMasingana 2020 kubakhokhinta besikhashana abasebenzisa i-eFiling.

Abakwa-SARS babonga bonke abakhokhinta abagcina izibophezel zabo zentela. Sisaqhube ka nokuzibophezel ekuqhubeke ni nomsebenzi obalulekile wokuqinisekisa izinga eliphezulu lemigomo yentela kanjalo nokujwayela ukuthobela ngokuzikhethela. Sizohlomisa umkhokhinta ngolwazi olubalulekile:

- Ukuqonda izibophezel zokukhokha kwabo intela,

- Ukwenza kube lula ukuthobela, futhi

- Uma kunesidingo, avumele abakwa-SARS bakwazi ukuthatha izinqumo futhi baphoqelete ukuthobela

Ngokubambisana nabo bonke ababambiqhaza, abakwa-SARS bazoqhubeka nokuzinikela ekwakheni umbuso wentando yeningi ekhuthaza ukukhula komnotho okuzinzile nokuthuthukisa umphakathi okudingwa yibo bonke abantu baseNingizimu Afrika.